

## Wozjewjenja na Swjatkowničce (09.06.2019)

1. Džensa popołdnju je w 14.00 hodź. swjatkowny nyšpor. Wšitcy wosadni su cyle wutrobnje přeprašeni.
2. Nětko po kemšach je zběrka při durjach postajena za biskopski skutk Renovabis, za cyrkej we wuchodnej Europje.
3. Procesijón do Róžanta woteńdže Swjatki pónđzelu w 7.30 hodź. z Koslowa. Prošu wobdžělce so w bohatej ličbje. Młodostni njech prošu službu chorojnikow wotrěča.
4. Wulět přenjowoprawjenskich džěci je wutoru. Zetkamy so w 16.00 hodź. w cyrkwi w Zdžeri.
5. Džěcace kemše su prawidłownje.
6. Wšitke džěci, kotrež chcedža so z ministrantami stać zetkaja so wutoru wot 17.00 do 18.00 hodź. na farje.
7. Ministranća zetkaja so ke kopańcy pjatk w 17.00 hodź. na sportnišću.
8. Nabožny tydžeń w Radworju budže w přenim tydzenju prózdnin wot pónđzele, 08. julija do pjatka, 12. Julija 2019. Přizjewjenske łopjenja su zady na blidku wupołožene. Tute njech so prošu wupjelnjene hač do jutřišeje pónđzele, 17. junija na farje abo w horće džěcaceho domu Alojsa Andrickeho wotedaja.
9. Młodostni a dorosćeni, kotřiž su zwólniwi nabožny tydžeń za naše džěci sobu wuhotować, njech so prošu pola fararja přizjewja abo zady do lisćiny zapisaja.
10. Putnikowanje serbskeje dekanatneje młodžiny do Róžanta je přichodnu njedzelu, 16. junija. Młodostni zetkaja so w 9 hodź. we Worklečanskej kapałce. W 9.15 hodź. woteńdu zhromadnje w procesijónje do Róžanta. Boža mša z chórom a hudźbnika mi budže w 10.30 hodź. w hnadownej cyrkwi. Po kemšach nawróca so młodostni w procesijónje do Worklec, hdžež budže w Don Boskowym domje wobjed. Njezabudźce prošu młodžinski baner.
11. Wšitcy senijorojo su přeprašeni srjedu, 26. junija na wulět do Błótow. Wotjědzemy w 7.15 hodź. ze Zdžery, 7.20 hodź. z Brěmjena a 7.30 hodź. z Radworja při Slawiji do Lubnjowa, hdžež swjećimy Božu mšu w farskej cyrkwi. Po Božej mši nam farar něšto k twarej a wosadže praji. We bliskosci budžemy wobjedować. Po wobjedze podamy so z čołnikom na puć po Błótach. Dale powjedze nas puć do Raduša, hdžež sej při busu kofej a skibku tykanca zesłodzjeć mamy. Po tym wobhladamy sej Słowjanske hrodzišćo a k tomu je wjedženje skazane. Wulět płaći 65,00 €. Prošu přizjewce so prawje bórže pola knjeni Lucije Šenkoweje w Bronju.
12. Swjaty sakrament mandželstwa chcetaj sej wudžělic, a prosytaj wěriwych wo zastupnu modlitwu.  
K 2. razej so připowědataj:  
Andre Tost z Drježdžan, ewangel.  
Jadwiga Handriec z Radworja, kat.